

## Aina za salamu na wakati wake

Hapa tumeckupa aina za salamu:

- Salamu za asubuhi
- Salamu za mchana
- Salamu za jioni
- Salamu za usiku
- Salamu za wakati wowote
- Salamu za heshima
- Salamu za pole
- Salamu za kwaheri
- Salamu za kuomba msamaha

### Salamu za asubuhi

**Umeamkaje?** – “Salama”.

Salamu ya asubuhi. Inatumiwa kuuliza mtu jinsi alivyoamka siku hiyo.

**Sabalkheri?** – “Alkheri”.

Salamu ya asubuhi.

**Habari za asubuhi** – “Njema” au “Nzuri”.

Salamu ya asubuhi.

**Chewa** – “Chewa”.

Salamu ya asubuhi.

### salamu za mchana

**Mchana mwema?** – “Asante, mchana mwema pia.”

Salamu ya mchana ya kumtakia mtu mchana mwema.

**Habari za kutwa?** – “Nzuri” au “Njema”.

Salamu ambayo inaweza kutumika wakati wowote wa mchana.

### Salamu za jioni

**Habari za jioni** – “Njema” au “Nzuri”.

Salamu ya jioni.

**Masalkheri?** – “Alkheri”.

Salamu ya heshima ambayo hutumiwa jioni.

**Salamu za wakati wowote**

**Mambo** – “Poa” au “Nzuri”.

Salamu ya wakati wowote.

**Shikamoo?** – “Marahaba”.

Salamu ya heshima ya wakati wowote.

**Salaam aleikum?** – “Aleikum salaam”

Ina maana “Amani iwe juu yako”. Salamu hii inaweza kutumika wakati wowote

**Habari?** – “Njema” au “Nzuri”.

Salamu ya wakati wowote.

**Uhali gani?** – “Njema” au “Salama”.

Salamu ya wakati wowote.

**Waambaje?** – “Sina la kwamba” au “Salama”.

Salamu ya wakati wowote.

**Hujambo?** – “Sijambo”.

Salamu ya wakati wowote.

**Umeshindaje?** – “Salama”.

Salamu ya wakati wowote.

**Je, la utu?** – “Sina utu”.

Salamu ya wakati wowote.

**Cheichei?** – “Ewaa”.

Salamu ya wakati wowote.

**Karibu tule – “Starehe”.**

Salamu inayotumika wakati wa chakula.

**Hodi – “Kongoni” au “Karibu”**

Hutumiwa wakati mtu anaingia katika nyumba au ofisi, au wakati anaomba kuingia mahali fulani.

**Karibu! – “Asante”.**

Salamu inayotumiwa kuwakaribisha watu.

**Hongera kwa ushindi – “Asante nimehongea”.**

Salamu ya kumpongeza mtu.

**Salamu za usiku**

**Alamsiki? – “Alamsiki binuru”.**

Salamu ya usiku au ya kupiga kwaheri.

**Usiku mwema? – “Asante, usiku mwema pia”.**

Salamu inayotumiwa wakati wa usiku.

**Lala salama – “Pia nawe” au “Wa salimini”.**

Salamu ambayo inatumiwa jioni au usiku kabla ya kulala.

**Ndoto Njema – “Za mafanikio”.**

Salamu inayotumiwa kabla ya kwenda kulala.

**Salamu za kwaheri**

**Buheri? – “Buheri afya”.**

Salamu ya wakati wowote ya kutakia heri njema.

**Buriani? – “Buriani dawa”.**

Hii salamu ina ya maana ya “kwaheri” au “aheri” na inatumika wakati wa kupiga kwaheri.

**Kwaheri ya kuonana – “Kwaheri ya kuonana”.**

Salamu ya wakati wowote, hutumiwa wakati watu wanaagana kwa muda mfupi.

**Tuonane tena – “Inshallah” au “Mungu akipenda”.**

Salamu ya wakati wowote, hutumiwa wakati watu wanaagana kwa muda mfupi.

**Tuonane kesho? – “Majaliwa”.**

Salamu ya kuangana hadi kesho.

### **Salamu za heshima**

**Mzee, habari? – “Nzuri, mwanangu”.**

Salamu ya heshima kwa wanaume wazee inayotumika wakati wowote.

**Bwana, habari? – “Nzuri, dada yangu”.**

Salamu ya wakati wowote, inatumika kwa watu wazima wa kiume.

**Bi, habari? – “Nzuri, kaka yangu”.**

Salamu ya wakati wowote, inatumika kwa watu wazima wa kike.

### **Salamu za pole**

**Pole kwa ugonjwa – “Asante nimepoa”**

Salamu ya kumwambia mgonjwa pole.

**Makiwa – “Asante tunayo” au “Asante yamepita”.**

Salamu inayotumiwa katika hali ya kusikitisha, hasa katika nyumba ya wafiwa.

**Pole – “Nimeshapoa”.**

Salamu ya kutoa pole kwa mtu aliyepata shida yoyote, wakati wowote wa siku.

**Ugua Pole – “Mungu yupo”.**

Salamu inayotumiwa kumtakia mtu anayeumwa apone haraka.

### **Salamu za kuomba msamaha**

**Kunradhi – “Niradhi”.**

Salamu inayotumiwa kuomba msamaha au kuomba ruhusa.

**Niwie Radhi – “Radhi”.**

Salamu inayotumiwa kuomba msamaha kwa mtu aliyemkosea.

**Samahani – “Umesamehewa” au “Bila Samahani.”**

Salamu ya kawaida inayotumiwa kuomba msamaha, wakati wowote.